



UNIVERSITÄTS-
BIBLIOTHEK
PADERBORN

Universitätsbibliothek Paderborn

Johannis Michaelis Dilherri Contemplationes, Et Suspiria Hominis Christiani

Dilherr, Johann Michael

Norimbergae, 1660

XXV. De Christi Resurrectione.

urn:nbn:de:hbz:466:1-10209

NOVO, in quod repositus non fuerat
 alius : utinam in cor meum , Spiritu
 sancto tuo renovatum, nemo unquam,
 nisi tu, ingrediatur ! Multa libentes, tuâ
 causâ, impendunt ; nec parcere sumti-
 bus præsumunt : impendam & ego ,
 pro te, sanguinem vitamque : etiam pro
 tuis ; quæcunque , præter sanguinem,
 in hac vita mihi suppeditasti !

Cùm animam meam ab hoc hujus
 stercoris utre avocabis : nihil cogitem ;
 nisi mortem tuam, nisi sanguinem tuum,
 nisi vulnera tua , nisi coronam tuam !
 Cùm sepulchrum horruero : ne cogi-
 tem in alio me sepulchro recondi,
 quàm in eo : quod tuo tu corpore at-
 tigit, quod tuis tu stigmatibus san-
 ctificasti : ut jussu tuo mihi, resurrectu-
 ro tecum, vivere liceat !

CONTEMPLATIO-
 NUM ET SUSPIRIO-
 RUM HOMINIS
 CHRISTIANI

XXV.

De Christi Resurrectione.

H s

Conf-

Confitemini Domino, & invocate nomen ejus: annunciate intergentes opera ejus. Cantate ei, & psallite ei: narrate omnia mirabilia ejus. Mementote mirabilium ejus, quæ fecit; recolite prodigia ejus, & judicia oris ejus.

Quis loquetur potentias Domini? quis auditas faciet omnes laudes ejus?

Benedic, anima mea! Domino: Domine! Deus meus! magnificatus es vehementer. Confessionem & decorem induisti; amictus lumine, sicut vestimento.

Fuit in squalidissimas carceris tenebras detrusus Josephus; at anno tertio inde protractus, & magnus totius Ægypti constitutus dominator: missus in terræ cavernas Jesus Christus; sed die tertio inde redivivus prodiit, factus cæli & terræ gubernator.

Moses, fiscellæ scirpeæ inclusus, in carecto ripæ fluminis fuit expositus; sed mox inde extractus, & populi Israëliti factus dux & liberator: inclusus fuit

fuit tumultu Jesus Christus; sed inde opportunè exsuscitatus, & omnis populi declaratus Salvator. Arsit in deserto rubus; sed igne non absumebatur: arsit in cruce Jesus Christus, & flammis iræ Divinæ, ac invasionū diabolicarum, fuit obnoxius; sed extinctus est ignis iste: & radii gratiæ paternæ jam resplendescunt.

Ardebant virga Aaronis; sed reflorescebat: exarescebant omnia Jesu Christi, in passione, ossa; sed novus illis è sepulchro vigor redit.

Josua adductos ad se Reges quinque, pedibus suis conculcavit, & super quinque stipites suspendit: Jesus Christus quinque hostes nostros, mundum, Satanam, peccatum, mortem, infernum, prostravit, & spolia amplissima reportavit, trophæaq; statuit splendidissima.

Samson in Gaza fuit captus; sed portas civitatis evulsit, & evasit: Jesus Christus à morte fuit tentus; sed nō retentus; sed devictâ morte triumphavit.

Goliathum, Philistæorum ducem,
H 6 David

David fundâ fudit: Jesus Christus Ca-
codæmonem, malignorum antesigna-
num & ductorem, fuso suo sangvine
stravit, & superavit.

Salve, triumphator inclute! salve,
dux insuperabilis! salve, victor invi-
ctissime!

Surge, propera, anima mea: & ve-
ni. Jam hiems transiit, imber abiit, &
recessit: flores apparuerunt in terra
nostra; tempus putationis advenit: vox
turturis audita est in terra nostra: ficus
protulit groslos suos; vineæ floren-
tes dederunt odorem. Surge, propera,
anima mea! & veni.

Tempus est non desidendi, sed ac-
currendi; tempus est non dormiendi,
sed vigilandi; tempus est non lacry-
mandi, sed exultandi: tempus est non
querendi, sed lætandi. Satis est indul-
tum mœrori; satis est effusum lacry-
marum: abeat tristitia; redeat lætitia:
abiit hora passionis; adiit hora resur-
rectionis.

Diffugere debet omnis angustia;
cùm Angeli auditur vox nuncia: eva-
nescere

nescere debet omne cordolium; cū percipitur Evangelium: resurrexit.

Resurrexit, quem prodiderat amicus; quem discipulorum deseruerat chorus: quem abnegârat Petrus; quem tradiderant sacerdotes; quem percusserant lictores; quem irriserant Pontifices; quem condemnârant iudices; quem occiderant carnifices; quem confoderant milites.

Quem dira peccatorum nostrorum onera oppresferant; quem ira, peccatis nostris debita, contuderat: is resurrexit. Resurrexit Dominus & Deus noster! resurrexit frater noster: qui suâ sepulturâ omnes iniquitates nostras sepelivit; & suâ resurrectione, liberationem & salutem nobis produxit!

Confitemini Domino, & invocate nomen ejus: annunciate inter gentes opera ejus. Cantate ei, & psallite ei: narrate omnia mirabilia ejus. Hæc est dies, quâ cecidit, quicquid caput contra Dominum erexit: ipse enim Dominus, postquam de torrente in via bi-

bit, suam exaltavit caput; & hostium suorum capita conquassavit.

Hæc est dies, quâ infernus est dirutus; regnum Satanæ abominabile expugnatum; diabolus ligatus; draco antiquus spoliatus; mors exauctorata; gens misera Christianorum liberata.

Mementote mirabilia Domini, quæ fecit; recolite prodigia ejus & judicia oris ejus.

Quis loquetur potentias Domini: quis auditas faciet omnes laudes ejus?

Hæc est dies, quâ insidiæ serpentis Paradisiaci, quas struxit femini mulieris; evanuerunt, & caput serpentinum disiliit, inimicitiaque, inter genus humanum & genimina serpentis, in actum eruperunt maximè.

Hæc est dies, quâ è fomno evigilavit Adam secundus de cælo: & dilectam suam unicam ad se recepit, sibiq; desponsavit.

Benedic anima mea Domino! Domine! Deus meus! magnificatus es vehementer. Confessionem & decorem induisti, amictus lumine, sicut vestimento.

Lætare

Lætare in Domino , anima mea!
Solennitas omnium solennitatum esse
debet ista, in qua Christus Dominus,
virtute Divinâ, à mortuis resurrexit;
qui antea, ut vilis latro, tractus fuit.

Melior est iste dies , quàm ille , in
quo mundus primùm enituit. Ille e-
nim hominibus , ad laborem , creatus
est : hic ad quietem factus est. Ille
mortem meruit: hic formidinem mor-
tis evasit. Illius diei lux tenebris sepe-
litur : hujus diei splendor etiam sepul-
turas illuminat. Denique illius diei
lucem mortui non vident ; hujus diei
lumen etiam mortuis emicuit. Læte-
mur ergo in hoc die : qui vivos cir-
cumfulget ; & mortuos vivificat ; &
victuros illuminat.

Exultet universus mundus. Par ete-
nim est, ut, sicut omnis creatura lugu-
bri doluit ploratu, in morte creatoris
sui ; & funere noctis obscuro profectu-
ta est exequias in cruce morientis : ita
nunc triumphalem ab inferis reditum
lata suscipiat resurgentis.

Sed & tu, animula mea! ex somno
pecca-

184 CONTEMPLATIONES
peccatorum evigila: ne iterum cruci-
figas resuscitatum.

Surge, si dormis; & exurge à mor-
tuis.

Cùm Dominus de tabernaculo sur-
geret; castra movebantur, & omnis
seqvebatur populus: surgit hodiè Do-
minus vitæ & mortis, è tumulo: ster-
tendum tibi non est; sed fervidâ devo-
tione seqvendum. Expurgandum est
vetus fermentum, fermentum malitiæ
& neqvitiæ: vescendum est azymis
sinceritatis & veritatis.

*Volo, Domine! Deus meus!
sed non valeo: tu qui dedi-
sti, ut odio prosequar viam
carnis & studia seculi, da,
nunquam istam ingrediar,
aut his decipiar.*

*Jesu Domine! Jesu pie!
Jesu bone! si tu volueris, ego
valuero: nam velle tuum est
valere*

*valere meum. Velis ergo, ut
valeam: velis, ut perficiam
opus bonum.* Qui mori dignatus
es propter peccata nostra, & resurre-
xisti propter justificationem nostri:
rogo te, per gloriosam resurrectio-
nem tuam; resuscita me de sepulchro
vitiatorum & peccatorum meorum o-
mnium; & da mihi quotidiè partem
in resurrectione prima: ut in resurre-
ctione tua merear veraciter percipere
portionem. Dulcissime! benignissi-
me! amantissime! charissime! pretio-
sissime! desideratissime! amabilissi-
me! pulcherrime! ascendisti in cœlum
cum triumpho gloriæ tuæ; & sedes ad
dexteram Patris, Rex potentissime!
trahe me sursum ad te; ut curram post
te in odorem unguentorum tuorum:
curram & non deficiam, te ducente
me currentem.

Trahe os sitientis te animæ, in su-
perna fluenta æternæ satietatis: imò
trahe me ad te, fontem vivum: ut inde,
pro

186 CONTEMPLATIONES
pro captu meo, bibam, unde semper
vivam, Deus meus! vita mea!

CONTEMPLATIO-
NUM ET SUSPIRIO-
RUM HOMINIS
CHRISTIANI

XXVI.

De Christi Ascensione.

OMnes gentes plaudite
manibus: jubilate Deo
in voce exultationis. Quo-
niam Dominus excelsus, ter-
ribilis, Rex magnus super o-
mnem terram. Subjecit po-
pulos nobis, gentes sub pedi-
bus nostris. Elegit nos here-
ditatem suam, magnificen-
tiam Jacob, quem dilexit.
Ascen-